

## **Pled d'avertura da la sessiun d'avrigl 2026** **Presidenta dal Cussegl grond Valérie Favre Accola**

---

*(Valair vala il pled discurre)*

Stimadas collegas e stimads collegas dal Cussegl grond

Zunt stimada Regenza

Stimadas collavuraturas e stimads collavuraturus dal Secretariat dal Cussegl grond, stimà chancelier

Stimadas e stimads interpretas ed interprets, funcziunarias e funcziunaris da segirezza sco er collavuraturas e collavuraturus da las medias

Chars giasts sin la tribuna ed al livestream

Durant ils ultims mais hai jau dastgà acceptar sco presidenta dal Cussegl grond blers invites en l'entir chantun. En quest connex hai jau pudì sentir danovamain e fitg conscientamain, tge che renda noss chantun – il chantun da las bleras vals e dals numerus lais – uschè incumparabel.

**Nus avain ina ritgezza da diversidad** – saja quai areguard la cuntrada, la lingua, la cultura u l'economia.

**Nus Grischunas e Grischuns ans distinguin tras insatge ch'è almain uschè prezius: tras in engaschament multifar e passiuà a favur da nossa cuminanza.**

Jau hai inscuntrà personas che s'engaschan en uniuns professiunalas communalas, regiunalas e chantunalas. En uniuns da sport e da cultura. En la baselgia, en la furmaziun, en la perscrutaziun, en l'economia.

Ed en quest connex hai jau dastgà constatar insatge remartgabel: Gist quai che para a l'emprima egliada d'esser ina cuntradiziun, è quai che animescha ed inspirescha in l'auter en il Grischun.

En il Grischun frunta numnadamain

- il mund sin diversitads, particularitads e spezialitads regiunalas,
- nossa genuinitad sin scienza,
- innovaziun sin tradiziun.

Il Grischun è a medem temp lieu da vacanzas, lieu da lavur e lieu da domicil.

Ed en il Grischun fruntan il sport e la cultura sin nossa natira incumparabla.

**Tge hai jau emprendì a chaschun da questas numerosas occurrenzas?** La midada demografica pertutga nus tuts. I dat però in fenomen che duess ans fatschentar anc bler pli fitg: il spiert da cuminanza che va pli e pli a perder.

La prontezza da surpigliar responsabladad per la societad sa diminuescha. La prontezza da sa far valair en in'uniun sa diminuescha. Quai è in svilup che sto pertutgar nus tuts.

A medem temp na vegnan betg be nossas interpresas pitschnas e mesaunas, mabain er las uniuns da sport e da cultura sco er las organisaziuns socialas e da la protecziun d'ambient engrevgiadas tras ina birocrazia creschenta e tras pli e pli bleras cundiziuns e reglamentaziuns. Reglamentaziuns che dovran bler temp per las realisar, che chaschunan custs e che han ina plivalur ch'ins po almain per part metter en dumonda.

**I dovra dapli pragmatisssem.** Igl è chausa da la politica da stgaffir cundiziuns generalas che permettian in ulteriur svilup e creschament e n'instradeschan betg ina stagnaziun.

**Il Grischun, quai essan nus.** Nus sco cuminanza essan il Grischun. Da quai stuain nus avair quità – sin plaun politic, social ed economic.

Correspondentamain vulain nus politisar en moda persistente, quai vul dir en concordanza cun la populaziun e cun nossa natira. Nus stgaffin cundiziuns generalas per in svilup persistent e per in creschament qualitativ, per che nus possian lavurar e viver er en l'avegnir en il Grischun ed hajan in'auta qualidad da viver.

**En quest senn: SEMPER CAPRICORN.**

Cun quai declar jau la sessiun d'avrigl 2026 per averta.